

ARROGUS DE VIDA

... Non importat
 chi siat di o notti
 candu seu troppu fadiada
 po podi' penzai...
 insaras,
 no mi bastat prus
 nemmancu su celu.
 Intendu veti
 su sonu
 de unu passu lestru,
 de un'arrisu spilliu
 sboidau.

Ma tui... chini ses,
 ca mi portas ancora
 ischissius de beranu
 in cust'atongiu chi andat?

S'arretumbu 'e sa boxi
 ponit avatu su passu,
 e fuit chen'e speranza
 circhendi praxeris de paxi.

Aintru 'e sa liauna
 arrumbulant silenziosus
 pimpiridus de vida
 scraziaus sceti
 de lampu luxis de prata.

PEZZI DI VITA

*...Non importa / che sia giorno o notte / quando sono troppo stanca / per pensare...
 / allora, / non mi basta più neanche il cielo. / Avverto solo / il richiamo / di un
 passo affrettato, / di un sorriso perduto / fatto di niente. / Ma tu chi sei / che mi
 porti ancora / profumi di primavera / in un autunno che muore? / L'eco della mia
 voce / insegue il passo, / fugge senza speranza / in cerca di un'oasi di pace. /
 Rotolano / in un barattolo di latta / ovattato, / pezzi di vita, / illuminati solo /
 da un bagliore metallico.*